

察哈爾鄉土志緒言

閻侯林傳



世界各國教育最普及者莫如德意志其  
教科最切實有用者則為鄉土志吾國  
自甲午庚子之後始發憤興學南皮張文  
襄公奏定學堂章程初等小學歷史地  
理格致皆以鄉土志為課本惜當時各  
省各縣任教育者未有能實力奉行良  
法美意知者蓋少余嘗撰黑龍江鄉土  
志為初等課本未幾初等歷史地理格  
致併於國文於是小學界畢業者遂空  
察哈爾鄉土志

談五洲萬國而不知本省本縣之地理  
是以近日教育家咸倡實用主義余  
之主張則實用宜自鄉土志始講學  
察哈爾舊無專志余不蒐輯故紙而  
喜從事於新調查用以為師範講義  
願諸生從事國民教育以德意志為  
法吾國乃足以立國矣

察哈爾特別區域之位置

閻佐林傳甲撰

察哈爾位置當北京中線之正北東鄰熱河西  
接歸綏南蔽直隸山西北臨外蒙古車臣汗  
部北緯自四十度三十分長城起為獨石  
縣南界北至四十六度一分達里岡厓牧場  
及烏珠穆沁旗烏勒圭河為錫林果勒盟  
北界東經在北京偏東二度五十分蘇克  
斜魯山起西至西經北京偏西五度四十五  
分楚倫圖古里克東界分界者有大興  
安嶺山脈北界亦有匝布克烏蘭哈達  
察哈爾鄉土志

二

山在烏得東西界屈曲有舒瑪哈達嶺渾  
善達克草地為界而南界長城則與直隸  
之延慶赤城龍關宣化萬全懷安山西天鎮  
陽高大同左雲右玉各縣為界又獨石多  
倫東界熱河之樂平豐寧圍場經棚各  
縣而涼城陶林則西界歸綏之和林歸綏武  
川各縣東西一千四百里有奇南北一千二  
百里有奇面積約計八百四萬方里地形如  
蝶錫林果勒如兩大翼察哈爾左右翼如  
兩小翼云

奎騰梁山脈

察哈爾山脈西由崑崙祁連賀蘭陰山東來至歸綏之舒瑪哈達嶺入界在陶林之南涼城之北名曰奎騰梁奎騰者蒙古謂之冷也橫亘豐鎮西北脈絡相連又名曰伊瑪圖山又東至興和之北境曰阿肯山環其東境蟠於張北之西境名曰大清山地理志或以大清山為陰山之別名仍屬陰山系沿長城而東為元寶山西太平山東太平山虎頭梁淇縣至獨石梳<sup>為</sup>妝樓諸山至多倫有天地人諸山牛心山而上都河東之駱駝山西喇札拜察哈爾鄉土志

三

嶺則與興安嶺山脈之蘇克斜魯山相連正脈由張北西北境上諾謨輝山則與牧羣之都蘭山若斷若連北至蘇尼特為奎同沙密嶺實與奎騰梁同一山系貫穿阿巴哈約爾旗浩濟特旗至烏珠穆沁旗連於蘇克斜魯山又北分支為達里岡崖屹立于本區之北境是以論察哈爾全區之山脈以奎騰梁為主云

奎騰梁南系諸山脈

奎騰梁之正南有息山又南有烏藍大垠蒙古語謂紅為烏藍此山之陰原為廂紅旗牧地又南為桌子山地當孔道有設阜山縣之議其山脈盤於涼城東境者如迴頭山浮梁山馬蓋山有魯山奚望山焦山與豐鎮分界而大廟坡一支則西至老色山小鞍子山猴山老虎山為涼城之腹地而蒙古哈達山則盤繞於涼城之增郭東北有漫山倉盤山西北有胡都克嶺正北有鐵山紹鵬山皆羣峰與列壑相環河流縈紆如

察哈爾鄉土志

四

帶縣而諸山由和林入界大石頭灣至史家口東寧魯口為憐兒山花山子齊頭山而營盤梁橫亘於其北又東北則周家嶺和陽嶺韓清渠環繞天成村成一形勢地駐陸軍焉此奎騰梁南系諸山脈之大概也

奎騰梁東南諸山脈

奎騰梁東南為白塔山入豐鎮界第一支為真祥山慶雲山海留素山慶格卡倫山馬鞍山台子山興壯嶺迤邐至縣城之北第二支由厚生莊南橫亘為東西聚財山又過平地泉

為孤山喜新嶺焦山尾而連於縣東之元山第三  
支分於弓溝之北者曰咸樂山過弓溝之南曰吉  
盛山人南兩山夾峙道旁東曰明義山西曰崇玉  
山再南則放色大山峙於其東彩雲嶺桃北化嶺  
九華嶺鼎立於張皋鎮之西而六南山則盤於  
鎮之西北又南則隆盛莊之南盤羊山脈屹然  
特立與山西陽高界上諸峯並列其東一支入  
興和境為木蘇山其西之百寶山萬金山擺煙  
山一帶至泉山坡森林蔚然風景亦勝榆柏溝  
以樹得名迥異居庸一帶之童山此奎騰梁東南  
察哈爾鄉土志

五

諸山脈之大概也

奎騰梁東幹各支脈

奎騰梁正東山脈為浮石山黑土坎皆在陶林境  
東至興和縣北之阿貴山北接大馬羣諸山有  
阿貴廟其南一大支端於興和之東境張北之西  
境總名大清山有喇嘛洞大瀑布最高者為黃  
榆峯由玻璃溝至馬連圪塔分一支至銀洞溝  
又析為白鹿禿黃土梁二支又東分太陽坡  
一支正脈由土木路桃李莊至馬頭山齒兒山  
鎮虎台汗諾垵元寶山西太平山北析為察汗

它羅朝天容山之低處所謂壑也西溝山柳條  
墳塞塞現侯營墳毛金墳花台墳麻泥墳蓋口  
外地勢一面高一面低山上與山下高度懸殊  
如升堂之階似山非山人謂之墳實山脈也  
分支為棋盤梁至龍崗界亦有瀑布布二十  
里牆色入獨石界東有西山坡南分孤子嶺喜  
峯岩黑牛山奶奶山黑駝山一大支而梳粧樓  
北為多倫天地人諸山牛心山風水山西山根  
北山根最大者為兒馬山大狐狸山火石梁  
各山云

察哈爾鄉土志

六

奎騰梁東北各山脈

奎騰梁東北墳底各山盤於陶林縣之南東西  
壕壑之間山勢崔嵬縣北四道溝五道溝之  
北山勢直入為蘭花一帶東至正黃旗之諾謨  
輝山綿亘至太僕寺內務府各牧場色括昂古  
里湖北面不能旁流所擬設商都縣在其北又  
東有都蘭山得兒山繞出克勒湖之北閃電  
河之西又東有大山名猴汗河頭其支脈散布  
於多倫東北者曰小紅石拉及大黑山南大山哈  
達山大孤山紅花山岔巴山桃山駱駝山入熱河

境而正脈則由西喇札拜嶺而連於興安嶺都蘭  
正脈北至蘇克特之北有至同沙密嶺北分喀里  
吉和山至察布圖北為達里岡崖一支沿大道  
之東入車臣汗境是以限止沙漠之東侵正  
脈由阿爾噶旗阿巴哈納旗北至白塔子達於  
蘇克斜魯山支脈則斜貫浩齊特旗北貫車臣  
汗東界入黑龍江呼倫縣南界索岳爾山焉此  
全騰東北名山脈之大概也

### 灤河流域

灤河為直隸東北入渤海之巨川上游在熱河而上  
察哈爾鄉土志

七

源實出於察哈爾發源之處在獨石縣東北有五  
道河由九龍壩之西一帶山脈溝渠會會曰小河  
子地當孔道北流過梳粧樓之東入多倫界名曰  
閃電河舊圖謂之三營河過閃電河店之北又地  
字號一小河西來入之北經大梁底之西廂白旗  
之東曰西閃電河折東入正藍旗界曰北閃電  
河經善因寺彙宗寺之北又東南至磴口橋以  
下名曰上都河多倫縣城南北二河會火石梁一  
水合流入之土力根河自圍場發源西流入之大  
河口以下亦有橋通赤峯又南有大泡子與河流

通又南有河南營一水入馬又南有駱駝山一水入馬南入熱河之豐寧縣界乘濼平喜峯遷安盧龍樂亭之上游馬惜上游灘淺甚多通舟不便尚待疏鑿然磴口橋頭固水陸交通形勢地也

### 白河流域

白河一名北河又名大沽河由天津上溯至北通州為運河以上仍名北河舊圍沽河源出獨石口外九龍嶺之東南今太平營以南黑虎溝棠梨溝明鏡溝皆溪流也其餘各溝若斷若續南入

察哈爾鄉土志

八

直隸赤城縣長城東南流會龍關諸水東出長城復入獨石界水勢始盛由河口至千家店北匯卯正汎諸河一大支又東仍入長城其北有盤道口河由獨石入赤城境入此卯正之北為黑河汎有黑河一大支東南流入長城與白河會又北有唐河會獨石東北各溝水東南流入豐寧之潮河入古北口至密雲而後與白河會蓋獨石之丁莊汎為沽河所發源即灤河發源之分水嶺若黑河卯鎮兩汎皆為白河之流域惟羣山環繞山溪之水忽斷忽連介於直隸省區之間未克

利用以通舟楫然五道嶺大瀑布可利用以水碓及發動汽機電力焉

### 永定河流域之清水河

永定河者古之無定河上源曰桑乾河在宣化大同之南湖宣化以上至張家口曰通河在大境門之東太平山之下與直隸交界其源發於口外正流曰清水河正源出壩鼎之半壩曰捕東溝廟兒溝拉旗溝經西灣子納白樺溝大東溝之水又南納廟子溝至大同營下雙台納草廠溝一大支又南至中山溝之南有太平川自太平莊來會此川合察哈爾鄉土志

九

獅子溝門扇川洞兒溝小夾道溝東溝二郎城溝諸細流成一大支河合清水河西流經地上村場上村新營代州營黃家灣有拜察河自北來會此河東源曰石胡子溝西源曰上陸軸溝又名翻馬圖河皆西南流至沙灣經上擺察中擺察下擺察即拜察也過四杆旗淘賴廟而後與清水河合流至大境門會西溝為通河此口外清水河之流域也

### 永定河流域之東洋河

東洋河支流出張北縣之西南境者東支出小山

經濟過土木路踰馬羣之東又過大土台小土台之南  
至大虎溝入萬金錄界中支為榆鉢溝西支為小  
柳溝均南入懷安縣界其在大青山西麓與和  
縣境者一大支曰二道河分前後二河而縣治  
適當兩河之總匯然河源之遠者自官馬羣入  
界繞阿貴山西麓而流曰天興河至濟美莊之  
南有慶興河一支自豐鎮界上來會西繞阜  
豐莊南繞豫順莊東南流至縣城東北有新  
民莊發源安居河一大支來會又繞縣治而  
與前河會前河源出豐鎮界經發祥村又  
察哈爾鄉土志

十

經仁里村近仁村會於縣治合流繞高廟子舊  
名豐川又東南至馬市口入長城又有西洋河上  
源出興和之木蘇山由新平口入長城而後與東  
洋河合流入真觀境北口外東洋河西洋河之  
流域也

永定河流域之御河

永定河支流在大同者曰御河其上源出自豐鎮  
西北奎騰梁區涼城北界陶林西界各山水東  
南流經慶寧莊元和莊平安莊新瑞村至元  
山之麓東過縣治南之新成灣受縣西悅來村

發源之大有河來會入南流至河口有隆威莊之隆威  
河來會此河發源豐鎮縣東北集賢莊有二源  
並發南流相合過五福屯尖岸森林為過地所  
難得又南過隆威鎮繁盛過於一大縣又南東匯  
九道溝諸水至百寶莊西岸峇山西流至喜新嶺  
之東又南流循東山坡之北與豐鎮河相會合流而  
南出得勝口之東入山西大同境經山底會涼城東  
南流入各支水過大同之東至古定橋與桑乾河  
會北口外御河上游之大概也永定河在察哈爾南  
境者凡三大支是以上游地面拔出海面三  
鄉志

十一

千尺以上云

黃河流域之黑水河

綏遠城南有黑水河為入黃河之巨川南源出  
於涼城縣南之老虎山繞縣治東北流崎嶇山谷  
間或分或合或斷或續緱山以北環流一渠曰陽爆  
溝大石頭灣以北環流一渠曰羊腸溝又北與黃  
沙垵通流環廟藍旗三而成一大渠曰馬廠溝又  
西環土城南境成一大渠曰忙牛溝陶林西南諸水  
自界上注入之其南繞漫山成一大渠曰車水溝又  
西繞倉盤山成圓渠曰明心溝而西北繞鐵山四

圍者曰大經井溝突龍海以北有冀蓋溝三道溝皆  
環成兩小渠至大東溝為爾圖為黑水河正流  
經五兔腦兒西流入歸綏縣界山重水積不足  
以言經流然奎騰梁南系諸山在涼城東界者  
實黃河白河之分水嶺至於涼城西南諸別由  
和林格爾入清水河為

昂古里湖流域 所經北各山

昂古里湖在張北縣之中汎西北湖十餘里長百  
五十里乘馬者竭一日之力乃能繞湖之一周今  
土人呼為安古林諾爾西北有大鹽諾東北有  
察哈爾鄉志 十二

小鹽諾皆含沙土而色不潔因土人未能提煉  
也入湖諸水舊哈拉烏蘇河今為白城子河  
源出張北赴多倫大道二十里惟色之九菜坡  
南流為老龍溝至興隆灘西流至雙頭營子南  
有坡塢菜河來會為標地羅老菜河北河環繞  
興和古城之南北流會合以後經白城子黃土溝黑  
山入於昂古里湖昔年有布爾哈蘇河今已  
湮絕又有哈爾圖河今名海圖河附近有台路  
溝三不拉溝黑地溝六尾溝多屬細流惟盤長河  
新河口尚有舊日河道故迹也張北境內尚有金

獅諾銀梯諾紅水諾花蓋諾張木諾小海子比有湖之  
小者不通河流不及備載。

東海子流域 增奇爾泊察罕泊

東海子在涼城之東豐鎮之西北有三蘇木聚盛莊  
西有公垣廟西南有公溝堰南有公河東納經河  
東北納焦山大廟坡諸水豐鎮西北境源泉莊遠  
泉莊長泉莊諸水皆流入焉四圍皆山不通海高  
原中之溢地故潴而不流鴻雁北來飛鳴於澤畔  
馬俗傳蘇武牧羊處似太近舊圖作代哈泊誤  
置於涼城之北有布哈爾蘇台河今亦湮絕所

察哈爾鄉土志

十三

謂公泉即今之公溝也所謂東海子者乃因在涼  
城之東得名其東二蘇木海子在豐鎮隆盛莊之  
西北平地泉之東南面積亦與之相等舊圖謂之奇  
爾泊西北有河自平地泉流入即舊時所謂平  
地川也與和之北官馬羣札憂蘇台有察罕  
泊面積稍小在察哈爾右翼此三泊可以鼎列  
也其他湖泊之小者在全騰梁高原中不下數  
十處或積潦便成久旱遂竭故不備載

多倫諾爾諸湖泊

多倫縣舊名多倫諾爾諾爾者湖也是多倫

本以湖名為縣名今湖在縣之南境形似方形而多  
楞角或由是得名歟康熙舊圖多倫諾爾面積  
甚大今面積甚小蓋湖水日枯湖濱漸成耕地  
足證地球水量減少江湖日新狹隘也北倚北山  
根東有榆樹林山南有河沿垣西有孤山子四面  
皆高故不外泄多倫東北境有黃花泡面積亦  
與之相等東蒙人多謂湖為泡亦方言之變也  
正藍旗在多倫西北有湖泊五處相連最著者克  
勤湖并受五兒河之支流麻白旗在多倫西南有  
湖泊四處相連皆游牧之利多倫南境與獨石梳  
察哈爾鄰土志 十四

錫林郭勒各河泊

錫林郭勒盟蓋以河名為蒙盟十旗之總稱錫  
林果勒河出興安嶺西麓北流二百里入於紫  
達爾泊此泊之西又會合阿爾果勒河二水為多  
倫北赴達里岡崖出車臣汗孔道其東有那塔  
克淖爾為吉喇勒果勒河所匯又東北為珠

穆沁一湖為烏拉圭河庫丹布拉克河所匯水皆南  
流而錫林果勒之南有色勒汗果勒河為爾圖古  
勒河則東流入於達里海焉此四湖所匯之水源  
流皆二三百里或東容兩河是以湖由東流縱橫  
各二三十里又有魁多河橫為道北亦不通流而庫  
恩淖爾當多倫赴庫倫大路湖雖小而名甚著至  
於蒙古人逐水草游牧處淖爾甚多其小者莫  
馬環飲一二日而竭又他往焉如此之類蒙古人亦  
未嘗定其名故不備載

### 沙漠之區域

### 察哈爾鄉土志

### 十五

蒙古沙漠不能南侵內地者實由陰山山脈限之陰  
山山脈以東金縷梁橫亘於察哈爾腹地是以金縷梁  
以南無沙漠若與安嶺山脈是以限制沙漠不能侵  
入滿洲及哲里木盟其支脈其金縷梁東北相連之  
察布圖山北至達里岡崖實同與安嶺之外部是  
以錫林果勒盟以錫林河附近為膏腴亦無沙  
漠偶因風力所播沙土相雜亦饒水草若金縷梁  
以北則有伊哈雅魯遊沙地當庫恩淖爾大路又  
呼濟圖爾南北有沙原二伊林苦水湖草地之東  
亦有沙原三處大抵為古時諾爾之枯竭者其餘

沙土相雜散於蘇尼特北部不可數計在中國北部沙漠中尚屬繁盛之處異於甘肅以北百龍堆大戈壁矣

### 沙漠之狀況

沙漠之氣候夏日熱度如熾冬則涇寒凜冽如將裂膚勁風捲地揚沙拔木故沙漠中不生大木夏雨濇蓄低窪之地有剛草叢生高四五尺質極緻鐵線能耐風為沙漠中最大植物察哈爾牧場烏珠穆沁浩齊特雖近沙漠然沙土相雜頗適耕耘非若瀚海中央泉流缺乏寸草不生不但不宜於

察哈爾鄉土志

十六

耕且不宜於牧荒原寂寞彌望皆同惟自張家口達於庫倫之沙漠稍有驛站井水商隊絡繹土人亦沿路分部居住專事游牧其貧者則供給隊商駱駝之芻草或買獸糞以為禦寒之燃料當華氏表結冰點下二十二度尚有商隊由張家口橫渡沙漠以赴恰克圖常受逆風若萬針刺膚與少數麋鹿羆屍沙雉雲雀寒鴉共馳曠野可見我商隊之體質無異於鐵石也

### 井泉

內地井水隨處皆有地理志惟記名勝之井而已

蒙古沙漠旅行得水不易且高原土厚不易鑿井即如張家口之水井淺者尚深十四丈由此以北則土益厚井益深由多倫北赴克魯倫城大道色魯汗河南北百里皆有井又有喀里吉和呼都克井又北有達賴井又北有塔本井最北有巴彥達賴井而赴庫倫之東道庫恩淖爾以北有霍爾霍井喀特爾呼井濶多井蘇臺圖井赴庫倫之中道則有庫恩呼圖克井呼濟圖爾井三音諾蘇井鄂倫呼都克井是沙道可設台站之處必恃有井泉外蒙一帶有井者則有人居甘肅以北之察哈爾鄉土志

十七

大漠則無井泉是以無道路凡開荒之地必先鑿井則飲水尤重於食物也張北之水泉子獨石之九龍泉多倫之天來泉豐鎮之平地泉又自然地理之飲料水也

萬里長城

察哈爾南界萬里長城實明之邊牆由綏遠之和林入涼城縣迤東其南與山西右土縣分界東至史家口寧魯山與左雲縣分界又東南有威魯口最南曰保安口又東北曰肋馬口曰拒門口東入豐鎮界長城南為大同界有巨墻口東為鐵路所經之